

THE HISTORY OF POOR SARAH;  
A PIOUS INDIAN WOMAN.  
IN MICMAC.

*Pronounce the Letters as in FRENCH: Except j, which is like the English j in jet; and u, like oo in food, foot. C and g are always hard; au like ou in pound; ai like i in pine; and iu like u in mule.*

AGENUDEMOCN UJIT EULEJIT  
SALI, SABEWIT ELNUI EBIT.  
ELNUISIMCA.

Na teliagenudemat Sacamascwa, teliageni-  
majel wigumajel sabewilijel elnuiebilijel:

Na meduamugwasicsep escitpuc sicwa, am-  
scwes nemigedoc ula ebitoc tan nige agenudem-  
ula. Pegisinces niganac edauejel piutigenn.  
Telues: Mogwe pegwodau cogue pasac telcie  
piuibenegul; tebiac ujit nin n'tinin telieulejcas  
sacawe, tan ubucjic tepcwoniac.

Na nudemaiep Sali ecap, elnuiebit na, sabewit.  
Na ujit ciscajei nulisualan. Tocu pibanime.  
Taliulein nige tegibuncec? Esetegelulit, telimit:  
Cisulc ajicelusit ac ajiulalit muencude tan  
telidedemep. Pemibucsep wegwodasiep, aswi-  
dedemep. Mogwe jinemuinuc; mogwe nijinc  
eyemuc. Talasides pugwelc wostau igac?  
Talasides buctau n'casuec? Cenec imidij  
nigemac. Taledes acsinugwaian tan neuctugwa-  
lugwai? Taledes n'pan? Mauen ecjijic. Na  
tan teliancidedem jel etcidemi. Tan etlietcidemi  
me wen celulit n'camlamunc, telimit: "Sali,  
escibol Cisulc utabogenemulina. Negem wela-  
lusc, cesalsc. Cesalaji m'sit unocubem. Mina  
bunalagwi, mina nacalagwi. Eliya, Sali,

telimadecs Sese Guli actunmajidasudima.  
 Sesus loc cesatc unudemen alasudemacn.  
 Siauyu jicsetuajel Saliel alasudemalijel."  
 Tocu cesaduonn n'sacpigunn. Mogwe nugu  
 etcidemi meja. Elie nibuctuc; sacawec  
 n'jegunc cacamalegic, tocu alasudemai.  
 Piguelcel celuswocnn Cisulc igenemuijul.  
 Pegejialasudemai. Cisulc igenemuit usegewi-  
 dasudi n'camlamunca. Na cacamasi, wenjig-  
 womc elie; cadu mesibunialasudemai  
 n'camlamunca. Telicsalc Cisulc n'camlamen  
 jel nugwasic. Welidedem tan teliguji Cisulc  
 igenemuij, ac telicuisin, ac telicsinucwai.  
 Welidedem neben tan neuctugwalugwai Cisulc  
 educ tegweuit. Amuj Cisulc ajicijideget  
 muencude nina. Nin mu welicijidegau. Na  
 loc welidasi; cacaiyisugunac edlintu ula ectabeg-  
 iacn :

Cisi igenemac nugu  
 Cisulc utalsumcun yapju.  
 Na cisi asunodelit,  
 Ac elp amuj cisisemit.  
 Cisulc n'wocalusanem;  
 Cisulc na n'scamagunem.  
 Na Sese Guli Westauit,  
 Ac loc weliwigemauit.

Na teliagenudemat Sali. Cisagenudemat  
 sacumascw elajel: Sali, welausisep cadu? Sali  
 elajel, ee; mina cacenemaunon piescamanel  
 wobejcel neuctibuc. Sacumascw elajel: Tali-  
 wiscugwodemenn? ac talicisidunn celabis  
 cisicelulc cilua? Elajel, saban elidu. Jiptuegel  
 poctemcasi, stege ciscuc, piubenegul weswa-  
 duonn, ac salawe, tanel pacasaduonn sabanictuc.  
 Tocu wejicelulc ujit telieulejces n'tinin sacawe.  
 Tan tilisip mogwe cisimsinemu salawe cisna

piuibenegul, na nugu elieum tan tedujipcwodu tan telcic pegwodu. Tocu emutculibuguasi, alasudemai, edamc Cisulc n'tulaluguna. Nugu welidasi, telidasi Cisulc esemit.

Tocu sacramascw elajel, Mogwe mesinemun wius? Cisna petewe, cisna sismogen, cisna ectegel celulcel mijipjewel? Elajel, mogwe siauyu mesinemu. Jiptuegel telicsipawotem bocjipadegwijasic n'camlamena. Tocu migwilemac Sesu Guli tan telicuisinces bactacemictuc, cadu tan tilisip mendu cwejalajel ujjipadagwijasilin mijipjeweictuc, mu cisiteladeg-ec. Tocu telimsi, mogwe padadegau nemsinemen mijipjewa. Mogwe camutenau. Mogwe malcodemu camutenogen mijipjewa, tilia epcijicuisinan. Tocu Cisulc esidelimit nenmian Negem cijca, ac ucwisel Sesu Gulial ubactadegem, ac telidasi ubucjic n'taligamides misit ugela. Tocu ma nugu cuisinu. Pigwelcel wenjigwom-el nuj, tan wasoc tele, wescotcel wasoca.

Na sacramascw elajel: Teliancamcusin acejjidun Cisulc utwigadigen. Ciscidemen? Alajel, Ciscidem cijca, cadu mogwe cisiteluulgidemu stegecilau woboltyok. Cisteluulgideman, loc ules. Teluej, etcidemit. Na cisibuntocsij, teluet, ula ajipawotem muencude ectegel misit coguel, jel tilia mijipjewe cisna nesamugwomc. Telisiauyu edamc Cisulc n'ceginudumagun n'tegidem; ac eda cegenudemuit cijca. Tan tilisip weswadu Baibel, ac emutculibuguasi alasudemai, ceginudemuijel pigwelcel celuswocnn, ac teliceluulcel, na ujit pawotem n'pugwelicjjiduna. Tan tilisip apcisinin wasoc, msit cogue acjjidudes.

Na amscwes telagenudemujel sacramascwol tan telega. Sacamascw welidasit, cesalajel ula elnuiebilijel; telidasit loc sabewit cisiguiscw na.

Na celabis siauyu pigwelimitugwolajel ula sacamascwol. Na neucte nagwec agenudemujel tan teliciwonscasicsep ucwomlamen Cisulcuictuc sabewudictuc.

Na telipemausis padasudictuc mesocu maliewis ac cisyuscweuaji mijuajija. Mogwe nenuagul Cisulcul, ac mogwe ajipjuduc utelien ulodictuc wasoga. Loc cijca ceginudemucsip. Ujinemumel wenmajeajel ac pemitcuwojeajel, ac celabis loc wenmajidasit. Tan teliagenudemujel sacamascwol, elajel : Wenmajidasiep, wenmajidasiep tan telipcijigiscega. Welac n'jinemum pegisilnij, siauyu wigaiic, mateit. Tocu telidasi, agai! Sali mogwe wigumauicw. Mauwen cesalicw! Jiptuc wen acsalij, loc ules. Cadu mogwe ceduetelimagic nigumac tan telei; mada telimcic, ajiajcuneic. Na ujit wontaceasi, pasac etcidemi depcic ac nagwec. Menwege neuctejit celusit welmudoc nigumaja.

Na neucte cegendiewimc sabewit n'tutemiscw pegisinc nigenac, telimit, "Sali, juguya, alasudemogwom ladinej." Telimc, aa. Tocu wigumcic nijinc, telimcic, n'sebulticw : alasudemogwom elie. Na tan tilisip nadel pegisin nujinsetuabuguet agenimajel Sesu Guliala, tan teliuscijinuilis laclansictuga, tan teliunmajelis telipcijimimajilija, telinpalis uclujieweamictuga; teliutcudalus, teliminunsis, ac teliunagasis wasoga, ac tan yapju telieulidelimaji padadege-winua. Ministal teluet, Educ sespedasin eliedecs Sesu Guliega. Mauuliwigamagalu et unmajidasudictuga. Cacainpiltau m'sit cunmajidaswocnem. Ujituwalultau unmajidaswocnietuc. Ancweultau; cesalultau culidedeman cunmajeina.

Tocu cisalasudemamc elemie. Pegisin nigenac pugweliancidedem tan telueja. Telidasi amuj Sesu Guli na teliuliwigamagalu et tan

yapju menwegeep tan teliapjietcidemi. Sali eulejit; mu nestueicw. Amscwes nudem Sese Guli utagenudemocnem. Tocu atciganasi n'teliman Sese Guli n'telicsimenwegen n'teulidelemcuna. Cadu, agai! telimalgec n'camlamen, mesiapscwedcedem n'teluwewudi, mesi-alasudemai; mesicsalc Sese Guli, tilia teligelusit. Na ula piamiummatcwijalic.

Na apj cegendiewime igac; apj cedulie alasudemogwom. N'jinemum telemit: Mu uctiliau! Matoltes eliena!" Na ujit escibec upoctamcasin undugulina. Tocu nespicipascalugic nijinc uljajigeinaua; alasudemogwom elibi. Ebasi caganaga. Na nudac ministal uteluen tan teliwinjic n'camlamen. Teluet n'camlamen mu ucusalan Cisulcul, cisna mu ucusalan Sese Guliala Westauulcula; mu ucusademan alasudamacn. Nugu wejicijidu cogue wejimesicsalc Sese Gulia. Mada n'camlamen teliwinjic. Tilisip pegisin niganac, wejigic nijinc weljajigegic. Welidasi n'jinemum mu eyamuga. Pasac wejiumajidasi n'camlamen teliwinjic, ac mu cejidu tan telipcunajenewadudes.

Na elismasi, nebai. Pewidu n'ciscidaman celule wigadigen. Pewidu n'tegidaman ula wigadigenictuc, depcadic Sali apj uscijinuina. Na escitpuc apjiancidedam tan teluec ula celuswoen. Tan tilisip n'jinemum eliej utlugowocna, pocjibi, elibi n'tutemiscwoictuga. Pibanime, teluec Baibel amuj depcadic m'sit wen uscijenuin apa? Tocu n'tutemiscw weswadow Baibel, ebasit, egidemuij tan tet espec sacamau pegisincas Sese Gulial eyemalij depciga, mada jipatcas utelien nagwega. Na telidasi negem ansuma stege nina. Amuj elie cimuduc n'nudaman Sese Guli, mada n'jinemum ucwaidau, mateidau mesiwilieana, mu cimuduc

eliauana. Nugu welcwijasi, cicajasi Sesu Guli n'tulaluguna. Pibanime n'tutemiscw, Taliulasidau n'camlamen? Telimit; Igenemu Sesu Guli acamlamena. Sesu Guli igenemultau Wejuli Nicscam. Wejuli Nicscam cisadudau ucelultau acamlamena. Na nin mu cejidu tan telueja. Amcwes nudemai ujit Wejuli Nicscam. Telimit sacamascw, n'telien alasudemogwom ap cegendiewimca. Teluet uteliman ministal ujit nina.

Na atlasnudigiscac igac, alasudemogwom elie. Pawotam n'ceginudamagun tan teliuscijnuides apa. Ministal teluet, miamuj elien mescenadesinn uscaluc Cisulcul. Telim acmescedasin ujit acteluwewudila. Telim: Pawotam ajiceluulc n'camlamena. Tam actigenemagun Wejuli Nicscam ucwisadun acamlamen upileauin.

Na cisialasudemamc, elemie. Apcunajenewidasi mada cejidu tan telimsinemac n'camlamen ucelultana.

Na pegesin nic wigaiic n'jinenum, mateit mada elie alasudemogwomca, ac mada mu elucwau. Telime, ejeladu ap n'telugwen atlasnudigiscaga, mada m'segictas n'teluwewudi n'telugwen atlasnudigiscaga. Piamidedemucw n'telugwen depciga, tan tilisip nebewisca. Tocu teliucwaic tewatescuit n'nemageman piescaman ula depciga. Cadu mu sespidedamu. Cedupugwelialasudemai. Tan tilisip piscwai wenjigwom n'jinenum nebat. Tocu emutculibuguasi alasudamai. Edame Sesu Guli n'cescadagun winjic n'camlamena. Macsceltam winjic n'camlamen. Edame n'tigenemagun Wejuli Nicscam ucwisadun n'camlamen umenajejdana ac upileauina. Na telicacaiyisigiscec Sali edauwej upileauin ucwomlamena. Tescegendiewimc alasu-



demogwom elie. Tilia n'jinemum mateij, mu  
 sespidedamu. Tesigiscec elie najicsedac sabewit  
 n'tutemiscw utegidemen Baibel. Na pegijec  
 Cisule cacaicisadoc n'camlamen ulcwijasina.  
 Mescic ulidasudi igenemuija. Cesalc Sesu  
 Guli mada nepcas uclujieweam ujit nina, ac  
 mada cisicsagadogel n'teluwewudila. Cesadam  
 n'talasuman Sesu Gulia Westaulca. Cesadam  
 n'teliman n'tunmajidasudila. Negem cisalajel  
 n'jijacamijel usegewidasilina. Pasac mescei  
 mada mu ciscidemu Cisule uceluswocn, n'cegi-  
 nudamasin, n'telamucsin stege Sesus sebewulti-  
 liji vnocebemc, tanic telagenudemaj Baibela.  
 Nz ujit wejipugwelcel puigenel cisiduonn.  
 Tocu neduisceduonn nujimsinmann Baibel.  
 Tan tilisip pegisin niganac n'jinemum telemit  
 "Eluwewien cila, acpugwodelaman ula Baibel.  
 Mu celultinuc. Cesegeades. Tocu mimugwodu.  
 Cis tewiej weswadu Baibel, siauyu wescageltem  
 mada Sesu Guli celule uceluswocn na. Tocu  
 elie n'tutemiscw wic, pibanime, cinudamuidacs  
 n'ciscideman? Telemit, ee. Tocu cacaiyiscel  
 nagwegel elie ceginudemasiann celuswocna.  
 Yapju edame Cisule n'tabogenmagun n'ceginu-  
 demasin n'tegidemana uceluswocenama. Tocu  
 telicinudamasi n'tegideman alasudamacnintamca.  
 Ceginudamasi n'tegideman pigwelcel celulcel  
 celuswocnn Baibelictuc Tesigiscec weswadu  
 Baibel; telimcic nijinc Cisule uceluswocen na.  
 Tocu cisalegie msit nijinc umutculibuguidanaua.  
 Edame Cisule utigenemuon ucwomlamenuol  
 upileauina. Ac elp alasudamelseauc n'jinemuma  
 mada teluwewit. Agai! teliunmajidasi ujit  
 negema! Nesudam ujijacamijel utelielin mendu-  
 agic apjimogelega.

Na Sali telagenudemujel sacamasewol tan  
 teliciwonscasip sabewudictuga. Tocu sacamascw

pibanimajel: Talipcidausisnoc acjinemumoc?  
 Elajel: loc pegidausidoc. Sacamascw elajel:  
 Me cisiapswedetcec uteluwewudiec? Ciwonsca-  
 sidoc ulijinemuina? Sali elajel: Nesudam mu  
 ulijinemuina. Ajipadadegedoc, ajipadadegedoc  
 meja. Tan tilisip cesinucwotec loc wenmajide-  
 lemegoc. Tesigiscec wescumcanoc, cadu mu  
 ceduijicsetuigenoc. Telimcabnoc, loc ajcenec  
 actelien buctewictuga tan tet juji ma yapju  
 n'puga, ac buctau ma yapju n'casinuga. Celabis  
 busciucwailiuctuibnoc, telimibnoc: Bunewistu!  
 Tocu bunajimcenoc; cadu yapju alasudemelseau-  
 cubnoc tesigiscega. Tan tilisip nepcec  
 n'camlamen teluegap, Cisulc tan telidedaman  
 na teliaj. Sesus m'sit coguel cacaiulitetpagado-  
 gel. Sali ejeliaboganamuajel ujinemumal nigeja.  
 Cisulc cecunajel upitnca. Tocu cacaiigenemac  
 Sesu Guli n'camlamen ac m'sit n'taligama.  
 Telimc, nugu nin n'tinin wedaligamin.  
 Lugwauultes tan telipcidausia. Edamc Wejuli  
 Niccam ujcuien uwojuadun n'camlamena.  
 Edamc Cisulc n'tabogenamagun n'tajicjijiduonn  
 celulcel uceluswocnn. Nugu eulejuinuiscwa  
 ciscacaiyisibuncac. Cadu Sesu Guli yapju  
 weliwigamait. Negem n'jinemumi; negem  
 wijigidiec: yapju weliwigamait, yapju tegweuit,  
 cesalit, ac ancweuit. Cisolit nuldedaman  
 nunmajeina. Cisolit nuldedaman n'pegidausin ula  
 meduec usitcamuga jiptuc educ negem ulidetca;  
 ac nespipiamiigenamuij n'tajipjudun n'telien  
 wasoga ulodictuc tan tilisip n'pana. Na ujit  
 weliscibedu n'ciwonscitepcwoniana ac n'telien  
 wasoga.

Na tilisip Sali agenute ula agenudemocn  
 usiscuc wejibacaptasic tan ucwomlamen telega.  
 Cisiajipugweliagenudemulic ula loc sabewit  
 elnuicisiguiscwa. Cadu pasac cijca ceduitelimul.



Educ ulias pugwelcic milesuinuc telisabewultidij  
stege negem. Tilia telieulejit cadu usabewudim  
telicelule cisna telimcodic stege loc milesisn,  
ac loc espegesen. Na ulgadis cinu acjiteleigwa.  
Loc melciancidetc tan tesac cejidoc Cisulcuictuc,  
ac tan telcic wejicijidoc Cisule uceluswocnem  
telicsatc stege bejelicelule mijipjeweaa.

Na Sali siauyu peduptoc tepcwon acjiganjijca,  
neduiscedoc mijipjeweictuc. Jiptuegel pegisido-  
gel minijcel. Tan telpemiej mogwe alabiciw,  
cadu teliancamcusit stege ancidasijel. Jiptuegel  
wenagadogel upitenn pemieja, stege pemialasu-  
demajel. Tan tilisip asuguaj mijuajij welicelu-  
laji, minijcel igenemuajel, welinsetuimaji,  
telimaji: alasudemadicw, cinudamasulticw  
aciscidamuonau Cisule uceluswocnemel. Na  
ujit pigwelcic mijuajije cesaladijel, ac welidasul-  
tijic unmianaua.

Na neucte nagwec pegisinc acjiganjij piduptoc  
mescic wiusuna. Eliet sacamascw wol wic, ebasit,  
atlasmit. Sacamascw eulidelimajel, pibanimajel,  
elajel: Sali, taligisipcisidunel telimsegigel  
miusunna tan telicsicisiguiscwain, ac telicsim-  
anacanan? Tocu mimsalmugwasit, teluet: Tan  
tilisip cescwaule pemialasudemai, edamc Cisule  
n'tigenamagun melciganodi n'cisipemaduna.  
Na tan telipemie apjiancidedam tan telicelusit, ac  
teliulmadoc Cisulcwa, tan teliigenemuidocsep  
neuctibistajel ucwisel unbelin ujit eulejultiliji  
padadegewinua. Migwidedam tan teligelusis  
Sesu Guli telipugweliunmajegas ujit cinua.  
Migwidedam tan telicelusit Wejuli Nicscam  
upiscwan n'camlamunc winjiga ucacaicisadun  
uwocameina. Na ugula celulcel ancidaswocnn  
teladegegcl n'camlamen wojuioc usegewidasudia.  
Na ujit mina migwidedamu tan telicsuc  
niusuna.

Tocu sacamascw telimsit, na nin wejicenudamucsi tanel wedameuigel wejinacadigel.

Na neuete nagwec Sali siauuptoc tepcwona. Tan tilisip apscwasij pegisinc sacamascwol wic. Sacamascw pibanimajel: Talautic net sacamascw igenemasc neget uctepcwonamega? Cadu Sali mu cedutelimajel. Sacamascw telidasit mu na nigej wejictuitelimicw, nesute mu cogue n'tigenemuona, mada actac sacamascw cisitelipugweliigenemuagel cisa. Tocu sacamascw cicajasit unmidun tan telaucic igenamuja. Celabis neyaduoj wejituolcadoc umundec wocandau mu tebianuc wius ocsidac jel acadaic mijisimca. Sacamascw teluet: Na ba m'sit tesac igenemasc net milesuinui sacamascwa? telitceleje igenemasc neget telcigec ciusunec tepcwonega! Loc cesiamasigec! cesimelgidat! Sali elajel, wejinsudamep n'neyadulina. Telidasiep jiptuc ucwaiuctuodacs. Ajipjudu utajimsagictan ucwomlaen apja. Pasac awondasij nigej Sesusel ujiabancadagun m'sit tesac igenemuoj eulejuinui siguscwola. Cadu mu ucwaiuctuau. Edame Cisule utigenemuon ajimsegic ucwomlaena.

Na sacamascw telimsit: Amuj Sali telamucsit stege Sese Guli. Abicsictuajel tanel mu welalugugul. Mu wigaiuctuagul tanel ajceneajel. Telidasit net elnui ebit ajicelusit ac ajisabewit muencude nina. Nin wigaiiep; negem mogwe. Na loc censcidelsit sacamascwa. Tocu nacalajel cijca, weswadoc pigwelc mijipjewe, igenemuajel. Loc welidasit cisiguiscwa; elajel, cen! loc welalin! Na wenagasit cisiguiscw, bocjipcotamecasit. Tocu apscwasit, ancamajel sacamascwol. Sacamascw telidasit pawote coguea. Elajel: Cogue pawotaman? Elajel: Mu pawotamu coguea. Pasac nesudam mescic

acamlamen utemtescin cijca, mada cil  
 ajipugweliigenemuin ujit mogwe cogue muencude  
 net sacamascw wejiabancaduij tepcwonega.  
 Tocu sacamascw loc welidasit elnui ebit  
 utelisabewina ac utelinestuimcuna. Na etcidemit  
 cijca, elajel: Sali, tan tilisip tamj Cisule  
 utigenemuon ajimsegic ucwomlamen sacama-  
 scwol, ac elp nin tewalsewidacs n'camlamen  
 mu n'temtescina. Elajel: ee, ee; teladegedes.  
 Tocu welidasit, poctamcasit.

Na Sali loc cesicsatc utelien alasudemog-  
 womca alasudamamca. Siauyu eliet tilia loc  
 meduamugwasic, ac jel pugwelcic milesuinuc  
 mu elidadigwa. Ac elp yapju escitpugiet.  
 Actucwonn yapju wocamegelac mina segwisciecw  
 jiptuegel telimestegipcwisasigel jel mu cisnen-  
 amac tanec amscwesewesebenega. Loc ci-  
 siguiscwoit, ac loc wacajec; cadu meluwij  
 cacamit telipcijialasudemamca, ac ancamajel  
 pestunemelijel. Jiptuegel welmadulijel ututemis-  
 cwol edebenejel pemeniscusueja alasudemog-  
 womca, cisialasudemamca, teltejel utulmacn-  
 aga, pibanimjel, Sali, weledasin ciscuc? welein  
 Cisulcuictuc? Tocu negem teluet, ee, celule  
 alasudemamca. Wicw alasudemamca, piamisis-  
 mogenimac muencude sismogena: piamicelulc  
 muencude ap coguea.

Na Sali cespimitugwoladec ututemiscwol  
 sacamascwol negula nipcec tesibuncecsup neuct  
 bituimtelnacnibuncec jel ugamuljin cascimtel-  
 nacnibuncec jel ugamuljin. Abiutcidas, ac  
 piscwasenn wica. Tocu telues: Loc euleji,  
 cispene; Apj elajel: Ancapten! telicimcwigel  
 n'catel. Sacamascw pibanimajel, elajel: Tala-  
 degegel? Sali mimsalmugwasit elajel, n'puwocn  
 bocjiigac. Tan tilisip eyemanec utcudacnecadic  
 ciscuc, telimsiep amuj ubucjic lismasides ulaa.

Sacamascw elajel: Welidedaman canpan? isca-  
jein? Elajel: Winjic n'camlamen teliac telemic,  
welidedam, ac ciscajei n'teladegen tan pasac  
Sesu Guli telcimija. Telimij n'pan, ulidasides  
n'telian n'tugweadinena. Telimij mej pemausi ac  
ajunmajei; na welidedem n'teladegen. Telidasi  
Sesu Guli piamulicijidoc. Jiptuegel telinemidu  
wasoc n'talidaswocnictuga cesimsunidedem n'naji-  
nemian Sesu Guli, ac wescewinocsui ansalewije  
ac sabewultijic. Tocu menwege n'tejiguladun  
winjic n'camlamen ac n'tlisimadun sacewe n'tinin,  
ac n'telien tan tet mogwe eluwewudinuga. Tocu  
alasudamai, telimc Sesu Guli tan teleia. Sesus  
telimit: Sali, etliiladun camatciga, wasoga.  
Apcisintes, elmalultes tan eyema. Tocu nin telei  
ansuma stege mijuajija. Mu ceduliau mesocu  
Sesu Guli wigumija.

Tocu Sali ajipugwelabuguet tan sabewudic-  
tuga cacaiciscajelijel ujijacamijel utelien wasoga.  
Na poctamcasit, sacamascw telidasit, ma apj  
telnemiac Sali usitcamuga. Celabis sist  
cegendiewimc nudemat Salial unbalina. Tocu  
telimsit: Nepcusrnoc Salioc? amuj weliac,  
amuj elemiedoc. Wasoc ec nigeja. Mogwe  
eulejicw nugu. Ma peduptuc tepcwon meja.  
Welidasit nige. Telamucsit stege ansalewit;  
amuj telamucsit stege Sesu Guli utinin. Ma  
nemiac usitcamuga. Wasoc nemeades.

---

Sesus, cesalul, mada cil cesalin,  
Nemin, nuduin, ac eulidelimin.  
Mada cil tegweuin mina wegwodasiu,  
Ancweuin, welalin, westauin nugu.  
Ac acmaldemictuc cesispalesi,  
Ac wejiwocemei n'teluwewudi.  
Elnui padamsudil Nujicsegadulin;  
Wasoc eliedes mada cil cesalin.

[CESPEAC.]